

12.

Ma ra seiz guech tro ar Chapel
 Gant Ave ann eal Gabriel,
 Mari hen diouallo bepred
 Dionz Satan hag ar seiz pec'hed.

13.

Ha ma tigemer ann hosti
 He galounn ennhan o virvi,
 Ouz Jezuz e chomo stag mad :
 Etrezho birviken kimiad.

14.

Pelerined, grit evelse,
 Kaout a refot grasou Doue ;
 Hag e veac'h deuet enn eur lenva,
 C'houi ielo kuit enn eur gana.

IMPRIMATUR :

Quimper, 14 Mai 1885.

A. SERRE, vic. gén.

Propriété réservée.

Kemper, moullét e ti DE KERANGAL, moullier ann Eskopti.



KANTIK

INTROUN-VARIA RUMENGOL

1.

Lili, arc'hantet ho deliou,
 Var bord ann dour zo er prajou ;
 Doue d'ezho a roaz dillad
 A skuill er meziou peb c'houez vad.

Diskan.

Introun-Varia, Rumengol,
 Guerc'hez gallouduz, remed holl,
 Roit d'eomp hirio, enn han' Doue,
 Iec'hed ar c'horf hag ann ene.

2.

O Rumengol, pell amzer zo,
C'houi eo boked kaera hor bro ;
Peb rozenn goant, peb lilienn
A zo disliv enn ho kichen.

3.

N'euz elestrenn ebed er prat
A daolfe kement a c'houez vad ;
E Leon, Treger ha Kerne,
Ganehoc'h e klever c'houez ann Ee.

4.

Bleunia 'rit c'hoaz enn ho kozni
E liorzik goudor Mari ;
Rak hor mamm dous n'eo ket edro :
Pa gar eur vech eo 'vit ato.

5.

Var ann Arvor gant ar Verc'hez
Oc'h bet lakeat da rouanez ;
Rumengol eo he merc'h hena,
Ganthi eo karet ar muia.

6.

Hon tadou koz a ioa kousket
E tenvalijenn ar pec'hed :
Maro var roudou peb hini.....
Ifern euzuz o tigeri.....

7.

Var ar mean ruz e skuillet goad,
Hag er C'hrañnou, e kreiz ar c'hoat,
A zindan dervez Teutates,
Tud 'vezé lazet heb truez.

8.

Tec'hit, doneou digalon,
Setu Guennole ha Grallon ;
Tec'hit, tec'hit... Var ar mean ruz
E savet chapel mamm Jezuz.

9.

E leac'h ar goad, dour a vuez.
A red enn iliz ar Verc'hez ;
He c'haloun eo ann eienenn
Ne vezo dizec'het biken.

10.

E Rumengol, ar pelerin,
A bedo stard var he zaoulin,
A velo a dreuz he zaelou
Evel digor lez ann Envou.

11.

Ma salud teir guech ann aoter
Enn eur adôri hor Zalver,
Teir guech e vezo benniget
Gant tri Ferson sakr ann Dreinded.